

## Weesche de Noochkerb

Wenn in Flerschem su kreffdisch iwwer die Noochkerb dischpedierd werdd, donn misse mir omm Stommdisch nodierlich aach unsern Senf dezugewwe.

De Schorsch moont: Warum losse die nitt alles wie frieher? Wissderr noch: Als mir Kerweborsch gewese unn jeden Owend mett unserne Musik dorsch Flerschem gezooche sinn, doo hawwe die Leit außem Fensder geguggd unn geklatscht unn gelacht unn kooner hott sich uffgereeschd.

Su ebbes gieht halt heit nimmi, seet de Karl, dess gonse Johr iwwer iss aach vill ze vill Lärm iwwerall. Grad mir in Flerschem sinn geescheiwwer allem was laut iss halt werklisch empfindlich worrn, dorsch die ville Audos im Flecke unn die Fluuchzeuche iwwer uns, unn dessdeweese giebt's halt Leit, die bei emm Krach, der nitt unbedingt soi muss, gleisch uff hunnertachdsisch sinn. Isch due nor droo denke, dass aach bei de Prozession omm Verlobte Daach die Leidunge vunn de Lautsprecher dorschgeschnidde worrn sinn unn wadd nor noch druff, dass dess Gloggeleide abgeschafft wern soll.

Isch saach: Mir Flerschemer sinn awwer weit unn breit die Oonsische, die e Noochkerb feiern dun, unn weil onn de Noochkerb die Kerb vunn de Kerweborsch uff die Vizekerweborsch iwwer gieht, hott die aach ihrn Sinn.

De Schorsch druff: Warum kann merr nitt die paar Daach Noochkerb grad dessweese losse wie se sinn, weil dess halt ebbes iss, was die onnern nitt hawwe? Jetz solle joo die Stadtverordnete driwwer entscheide, wasses mett de Noochkerb gewwe dut im nächsde Johr unn weider denooch.

Ja, seet de Karl, vorgeschlaache iss, dass merr die Noochkerb omm Freidaach oofonge unn omm Noochkerwesunndaach uffheern losse will, mett Trauerzuuch vunn de Kerweborsch unn mett Bobbverbrenne. Doodriwwer kann merr doch redde, odder?

Waaßde, moont de Schorsch, ess dut doch uff jeder Seit e paar Leit gewwe, die ferr die onnern redde kenne. Doo kennt merr sich sesommesetze unn driwwer gons ruhisch babbele, awwer wenn sich die Sach erst emol hochgeschaukelt hott unn alles in de Zeidunge stieht, werrds schwierischer, weil jeder donn moont, er misst bei dem bleiwe, wasser e paar Daach devor gesaad hott.

Isch saach: Wenn isch dess rischdisch verstonne habb isses joo nitt nor die Musik vunn dene Schausteller, naa, weil aach wenn ebbes los iss duts immer Junge odder Alde gewwe, die aus de Roll falle, die Zeisch in die Geeschend schmeiße, ebbes kabutt mache odder oofach nor doorum kreische unn doodemett de Leit Ängst mache.

Moont de Karl: Also kenne merr doch druff wadde, dass die Noochkerb abgeschafft werdd. Die Leit, die nei in Flerschem sinn, kenne mett dere suwiesu nix oofonge.

Isch saach: Ja, unn dessdeweese mach isch enn Vorschlaach: Isch habb joo immer gemoont, die neie Kerweborsch sollte su Kerb feiern wie mir doomols. Awwer dess gieht nimmi, dess habb isch oigeseh. Ess muss onnersders wern. Grad weil mir die Oonsische sinn, die noch e Noochkerb hawwe, sollt merr die uffwerte, also nitt nor die Kerweborsch unn die Vize enn Umzuuch mache losse, naa, de Umzuuch mett Musikkapelle odder Dudelsackpeifer unn mett su vill wie meeschlich Exe unn Vize mett ihre Fohn dorsch Flerschem maschiern losse unn dess in de gons Geeschend bekonnd mache, dass donn vill Leit nooch Flerschem kumme, su wie onn Fassenacht.

De Schorsch grinst: Moonsde, Honnes, dass mir Diamantene aach mettmarschiern?

No ja, saach isch, wenn noch ooner vunn uns die Fohn traache kann, warum nitt?

Eiern Honnes